



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt III. An Suavis aliquam excusationis speciem suae nequitiae poßit  
praetexere, saltem apud haereticos.

**urn:nbn:de:hbz:466:1-11642**

mea cernerem Legatum illus Reipublica, quæ mecum hanc veritatem agnoscit, Romanum Pontificem esse Antichristum. Hoc narravit laudato Marchioni de Lione Dominus de Zulichom, qui tunc erat in comitatu commemorati Oratoris, & postea Principi Aurancio à Secretis fuit; idque postea scripsi, quod apud me est, suâ manu exarauit.

Accedam ad alteram propositi dilemmatis partem. Si Catholicam Religionem pro vera non agnoscebat; qui poterit impietatis infamiam euitare vel apud haereticos, qui numquam pratermisit eas impetrari absolutiones, quas censebat superstitiosas ceremonias; quique Fidei sacramento se obstrinxerit, quam habebat pro falsa; atque illi obedientiam deuenerit tamquam Christi Vicario, cui tyrannicam huius nominis usurpationem animo imponebat?

## C A P V T I I I .

*An Suanis aliquam excusationis speciem sua nequitia posset praetexere, saltem apud haereticos.*

**M**ibi fortasse quispiam respondeat, in ea Suauem opinionem fuisse, ut censuerit hominem piè vivere in qualunque secta Christianæ Religionis posse, modò huius fundamenta retineat: quo pacto quilibet æternam vitam consequi potest, siue S. Thomæ, siue Scotti doctrinis adhæreat. Atque haec sane fuit opinio, quam disseminare meditabatur memoratus Archiepiscopus Spalatenfis; qui post voluntarium ad Romanam Ecclesiam regressum, simulatamque abiurationem, quâ præteriorum errorum veniam impetrarat, suâ ipsius confessione conuiditus, quod in ea esset sententia, simulque moliretur conciliationem quandam cum haereticis Britannæ, quæ illam credendi libertatem cuique concederet, damnatus est, eiisque cadaver combustum, cum ipse prius ex morbo diem obierit in carcere, editis pœnitentiae validis argumentis.

Hac ergo positâ opinione, contendunt existimasse Sua-  
uem,



uem licere cuilibet in hisce materiis ad arbitrium alteram sententiam animo retinere , alteram opere prosequi; uti multorum fert opinio , idipsum permitti in quæstionibus vtrumque probabilibus. Verùm ab ea sententia solent etiam hæretici abhorre; qui, si hoc verum existimarent, Catholicos planè pro Idololatis damnare non possent , nec Pontificem pio Anti-christo ; cùm & Pontifex, & Populi, illum tamquam Christi Vicarium agnoscentes, haud fidem iis assertionibus abrogent, quas isti solum necessarias ceu fundamenta Fidei arbitrantur ; neque potuissent ob discrepantiam opinionum mèrè probabilium, & quæ ad salutem necessaria non habentur , ab imperio legitimorum Principum se subducere , eaque de causa tantam Christiani sanguinis eluusionem profundere. Iam verò ad quem spectabit ( eos percontor ) secernere hæc necessaria dogmata ab opinabilibus ex arbitratu? Non ad Pontificem, nec ad Christianæ Reipublicæ partem illi parentem ; quippe quæ veneratur ut necessaria quæcumque in Tridentino Concilio decreta sunt : non ad veterem Ecclesiam ; vt quæ pro temporis successione damnauit semper , & anathemate perculit eos, qui vel minimum à communi Fide & Conciliis Oecumenicis dissentirent. Neque sanè quòd Pelagiani, Donatistæ, & Iconomachi, diuinam Triadem , Incarnationem , aliaque præcipua dogmata faterentur, idcirco tolerati , atque exempti ab Ecclesiæ anathemate , sanctorumque Patrum execrationibus. An tandem spectabit ad concordem consensum eorum omnium, qui quocumque cultu Christum adorant? At si tam communi confessione opus esset, quò articulus aliquis Fidei redderetur ad salutem necessarius , huiusmodi non esset Verbi Diuinitas, ab Arianis negata ; non Spiritus Sancti, quem Macedoniani inficiabantur; non ipsa Diuina Trinitas, Sabellianis improbata ; non vera unio inter Diuinam humanamque naturam, à Nestorianis reiecta. Quocircà Suavis, ubi semel refert opinionem Nestorij, haud rectè sic fuisset exorsus , Postquam impietas Nestorij . Quis non animaduertat , hæc laruas

esse, vel propemodum Impietatis, humana commoda externo Diuinitatis cultui anteferentis; vel Atheistini, qui nihil de Superis credit, sed varias conflat species mendaces, quibus vultum obteget huic *nibilo*, nimis odioso naturae sensui hominumque confessioni? Cū ergo Suavis in tam aperta de Religione discordia, inter vitam suam & calamum, interque calamum & linguam nequeat notam effugere, quod ex iis altera cordi repugnet; id satis est ut improbitatis conuincatur, cuius veluti reos damnant & oracula Scripturæ, & Naturæ principia eos omnes, qui in quamlibet harum partium scelus admittant: atque ex his patet, quānam ratione in singulis materiis, ac præfertiū Religionis, veritatem historiæ suæ ipse conciliet.

Orator, cuius tamen munus non est suadere rem solūm af-<sup>3</sup> firmando, sed probatione confirmando, oportet adhuc, ex concordi Rhetorum documento, vt vel homo probus sit, vel certè probus appareat: aliter probatio quævis ab eius ore, suspecta, adeoque infirma procedit. Quantò magis Historicus, cui fidem abundè faciat necesse est celebratum illud Pythagoricae auctoritatis prodigium, *Ipse dixit?* Hinc ego in hoc homine clariùs quām in aliis perspexi, quantum peruersæ affectionis vapor acumen sagacitatis obnubat.

Ille quidem inter clara nostræ ætatis ingenia locum obti-<sup>4</sup> nuit. Inuestigatione profanæ Politiaæ apprimè versatus, desudauit in hoc Opere non astu quodam celeri, sed tantâ laboris maturitate, vt in hoc vitam ferè totam impenderit; quod ipse testatur. Operi colorando adhibuit exquisita quæque pigmenta, vt ei quod fieri nequit, faciem veritatis appingeret, & quod incredibile omnino esset, probabilitate fucaret, prout hic liber ostendet. Imperare tamen haud potuit effrenato animo, quin prolaberetur in amentiam tam manifestam, tam efficacem ad abrogandam scriptori fidem, quanta fuit se prodere hostem Pontifici, impium Deo. Sed hoc fortassis è Naturæ prouidentia manat; quæ cū ad veri cognitionem procreauerit hominem, characterem quemdam veritati impressit nullâ arte imitabilem,

tabilem, quò à falsitate secerneretur : quod certè, vbi necessitas magis vrgebat, accuratiùs perfecit, adeoqué patentius ; vt apparer in vultibus, in vocum sonis , in scripturis, ceterisque ad hominum commercia pertinentibus. Atque ita videtur ex una parte in Auctòribus eximiae sanctitatis , veluti in Augustino, & Aquinate, hæc sanctitas interlucere per eorum scripta, quamuis planè theorica , maxiimeque contentiosa; ex altera verò in hæreticis , ac potissimum in hoc homine , argumenta tam pia pertractantibus, nulla usquam deprehendi guttula tenerae pietatis in Deum, nullus sensus æterni boni, nullus ardor charitatis ; sed solus ardor ille satyricorum, qui non fouet, sed comburit ac denigrat; nulla denique animi propensio ad ea quorum magister extitit Christus , & quæ idcirco Christianam Religionem à contrariis sectis discriminat.

## C A P V T I V .

*Vtrum Suavis rerum notitiam hauserit ab auctoribus integræ fidei, an suspecta.*

**V**erum omittamus reliquas coniecturas, quæ fidem subtrahunt Suavis narrationi: satis sit auctores exquirere, è quorum seu dictis seu scriptis rerum ille notitiam traxit; idque vel ex ipsis, vel eius studiosorum , intimeque familiarium testimonio. Laudat ipsem in prima periodo accuratam diligentiam, quâ Ioannes Sleidanus præcedentes Concilij causas congescit; atque indicat se velle in pauca redigere, quæ Sleidanus fusè recenset. Sciendum verò hîc est , Sleidanum adeò se profiteri auctorem hæreticorum, Romanæque Sedis inimicum, vt librum suum Augusto Saxoniæ Duci dicauerit, eo laudibus Ducem extollens, quòd in eius ditione Lutheri secta primum asylum naœta sit, suamque historiam hisce verbis ordinatur: *Leo Pontifex Romanus, pro sua, quam in omnes Christiani nominis Ecclesiæ habere se putabat, quadam usurpatione Magorum potestate.* Idem præterea fodiām non dissimulat, à qua